

Bosna i Hercegovina
Federacija Bosne i Hercegovine
Zeničkodobojski kanton
Grad Zavidovići
Gradski vijećnik Mujkić Admir
Datum: 29.07. 2022g .

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA**

Primljeno: 06-12-2022			
Org. jed.	Kl. ozna.	Kod. broj	Sr. priloga
01	04	2197	22

Gradsko vijeće Zavidovići
Gradonačelnik grada Zavidovići
N/ R predsjedavajuća gradskog vijeća
Mr.lur. Erna Merdić Smailhodžić

PREDMET :

Inicijativa za subvenciju troškova smještaja i boravka djece u predškolskim ustanovama

Poštovani,

Na osnovu člana 109. Poslovnika o radu Gradskog vijeća Zavidovići, podnosim inicijativu za subvenciju troškova smještaja i boravka djece u predškolskim ustanovama

U skladu sa stavom 4. pomenutog člana inicijativu prilažem u pisanoj formi .

OBRAZLOŽENJE :

Podnosim ovu inicijativu u smislu olakšanja roditeljima koji imaju jedno, dvoje ili više djece. Samim time bi smo pokazali i brigu o najmlađem uzrastu naše populacije, koji nam mora biti u svemu na prvom mjestu.

Prijedlog nadležnoj službi može biti sljedeći da procentualno u ovisnosti od broja djece zavisi i iznos koji će se subvencionirati (roditelj sa jednim djetetom dobije jedan iznos, za drugo dijete npr drugi iznos/malo veći, za treće neki opet treći iznos itd.), neka nadležna služba u ovisnosti i sa svojim mogućnostima procijeni koji je koncept i na koji način moguć i prihvatljiv u ovisnosti od raspoloživosti budžeta.

Nadležnim Gradskim službama dajem na raspolaganje da sredstva za ovu inicijativu obezbijede internom preraspodjelom budžeta, eventualnim rebalansom ili u nekoj posljednjoj opciji da sredstva planiramo u budžetu za 2023-ću godinu.

Samostalni gradski vijećnik: _____

Mujkić Admir



Broj: 02-04-2183/22-AP-15

Datum: 01.12.2022. godine

STRUČNA SLUŽBA
GRADSKOG VIJEĆA ZAVIDOVIĆI
- O v d j e -

PREDMET: Stav po inicijativi vijećnika Admira Mujkića za subvencioniranje troškova smještaja i boravka djece u predškolskim ustanovama, dostavlja se

U prilogu akta dostavljam vam stav po inicijativi vijećnika Admira Mujkića podnesenu za subvencioniranje troškova smještaja i boravka djece u predškolskim ustanovama.

Stav po podnesenoj inicijativi dostavljam u skladu sa članom 109. stav (5) Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014 – prečišćen tekst, 8/2014, 9/2014, 8/2018, 8/2019, 4/2021 i 4/2022).

S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mušanović



Broj: 02-04-2183/22-AP-14
Datum: 01.12.2022. godine

GRAD ZAVIDOVIĆI
GRADSKO VIJEĆE ZAVIDOVIĆI
- O v d j e -

Na osnovu člana 109. stav (5) Poslovnika o radu Općinskog vijeća Zavidovići („Službeni glasnik Općine Zavidovići“, broj: 7/2014 – prečišćen tekst, 8/2014, 9/2014, 8/2018, 8/2019, 4/2021 i 4/2022), povodom podnesene inicijative vijećnika Admira Mujkića za subvencioniranje troškova smještaja i boravka djece u predškolskim ustanovama dostavljam:

PREDMET: Stav po inicijativi vijećnika Admira Mujkića za subvencioniranje troškova smještaja i boravka djece u predškolskim ustanovama, dostavlja se

Inicijativu vijećnika Admira Mujkića za subvencioniranje troškova smještaja i boravka djece u predškolskim ustanovama ne treba prihvatiti.

Obzirom da se subvencioniranje troškova boravka djece u predškolskoj Javnoj ustanovi „Gradski dječiji vrtić“ Zavidovići vrši već dugi niz godina, Služba smatra da predmetna Inicijativa nije prihvatljiva.

Po trenutno važećem Cjenovniku usluga Javne ustanove „Gradski dječiji vrtić“ Zavidovići iz 2021. godine, cijene boravka djece u navedenoj ustanovi kreću se od 170,00 KM do 180,00 KM za cjelodnevni boravak djece u Vrtiću (ovisno o uzrastu djece - predškolski ili jaslički uzrast) i između 120,00 do 140,00 KM za poludnevni smještaj, ovisno o dužini boravka (poludnevni boravak u trajanju od 4 h ili 6 h).

Realna cijena boravka za djecu u Vrtiću iznosila bi mnogo više. Prema ranijoj rađenoj analizi, prije inflacije, navedeni, ukupni troškovi boravka po jednom djetetu iznosili bi cca 450,00 KM (uključujući rad angažovanih uposlenika, električnu energiju, energente, komunalne usluge, pripremu obroka, kancelarijski materijal, didaktički materijal i sl.).

Smatramo da je ta cijena mnogo veća nakon inflacije, a cijene boravka u JU „Gradski dječiji vrtić“ Zavidovići nisu se mijenjale od Odluke Upravnog odbora o korekciji cijena, odnosno od davanja saglasnosti Gradonačelnika Zavidovići na istu (30.08.20221. godine).

U skladu sa navedenim, Grad Zavidovići već subvencionira troškove boravka djece u JU „Gradski dječiji vrtić“ Zavidovići u značajnom iznosu.

Dio sredstava obezbeđuje i sama Ustanova (Vrtić) kroz razne projekte, donacije i sl.

Također, smatramo da Inicijativa nije prihvatljiva i iz razloga što ne sadrži potrebne podatke o finansijskim i drugim efektima koji bi nastali realizacijom Inicijative.

Odlukom o izmjenama i dopunama Poslovnika o radu Općinskog vijeća Zavidovići, broj: 01-04-1018/22-AP-7 od 31.03.2022. godine („Službeni glasnik Općine Zavidovići“, broj: 4/2022), član 171a., stav (2) propisano je:


„Vijećnička inicijativa se podnosi u pisanoj formi sa obrazloženjem, a ukoliko su za realizaciju inicijative potrebna finansijska sredstva, inicijativa mora sadržavati prijedlog njihovog obezbjeđenja“.

S poštovanjem


Dostavljeno:

1. Naslovu,
2. U spis.

Obradila:


(Asima Merdanović)

Kontrolisao:


(Idriz Alihodžić)

GRADONAČELNIK

doc. dr. Hašim Mušanović

